

Beschreibung

gischen lands/das Fürstenthumb/vnd der Erzbischoff daselbe vnd
der den Churfürsten des Römischenn Reichs das primat hat.

Rom ein hauptstatt Italie.



Romulus schreibt das die statt
30. offne porten vnd 7. ver-
schloßne gehabt hab. Item
7. berg/davonn etwan Rom die sibens-
bergig statt hieß/ Capitolinus der
hauptberg von dem haupt das darinn
gefunden ist /also genant/ hat den be-
rümpften Tempel/ des grossen abgots
Jouis/alle wunderwerck der Egiptier

übertreffend/ etwan gehabt/ ietz ein Closter Ara Celi genant/ Fran-
ciscer ordens darauff/ Vnd auff disenn bergenn allenn merckliche
gebew etwan gewesen seind/der verfallenn noch an vil orten ein
anzeigen gefundenn wirdt/ ietz fast alle mit köstlichen kirchen vnd
Clöstern geziert.

Lusitania oder Portugalia.

Das easserst Königreich Hispanie wirt Portugalia gnant/bis
hat von mitternacht vnd n. dergang das meer/ Bethicant
von mittag/Tarraconensem von auffgang. Dises volck ist
vor allen auff dem meer ein klüg/ vorteylig/ frimbde lande zufinden
ein keck künstlich volck/ zuschiffen vnd schiffkrigen. Item zu roß
vnd füs ein manlich volck. Sie können die pfeil meysterlich vnd ge-
wiß werffen/seind fertig geschwind brauchsame krigsleut.

Portugalia das Königreich etwa in kleiner refier beschloffen/hat
also zugenommen/das es vil Königreich übertriffet/ vnd vil Inseln
an sich bracht/vormals von menschen unbewonet. Es seind auch
ander Inseln von den Portugalischem erfunden zuauffen verschafft.

Italia das ist Welschland.

Italis